

姦而愚民因以徵信其風將不可止矣不然古之有功德於民者廟食百世豈無其所而顧爲愚夫愚婦之所假托哉

今按徐葉二說皆嚴正而葉尤果決然愚民信鬼神必考其事之源流而因以導之於正嘗見庀村有殘碑二一爲宋明道二年重修四道明王廟記一爲紹熙中東嶽行宮碑記其碑陰有明王土地夫人之云然則舊所列諸明王諸王侯諸將軍等廟多自宋以來各村土地之神卽古里社遺意但稱爲王侯將軍且各指其人以實之則雖正祀而亦爲淫祠矣明制立里社以祀土穀神每百戶一壇令有司卽各處淫祠寺觀毀改爲之實轉淫爲正之良法而當時有司奉行不力殊足深惜故今仍用徐志例存之而著其所以導之之說如此

卷之八

營建二

公署

倉

吳江縣之公署及倉自吳越迄今因革殊多今循姑蘇志例列 國朝之沿舊制

吳江縣志

卷七

壇廟祠

十六

者於前而舊所嘗建今已廢者列於後以備稽考

養濟院等附後

其武職官署亦循姑蘇

志例列諸營汛篇

縣治在城內臨河

按蘇州盧志引祥符圖經云縣治在城內運河北蓋當時此河甚闊爲轉漕之所也

近南城舊志竝云創

建於吳越錢氏宋因之至經始之年與人及北宋以前之修整皆不見於記載南渡後乃頗可考建炎中舊治毀於兵火未知何時重建而門亦庳陋乾道元年知縣趙伯虛新其門建敕書樓三楹於上以奉詔敕權發遣沅州軍州事贊皇李處

全記嘉泰中知縣張達明建無訟堂嘉定元年知縣羅勳建仰高亭於公堂之右

盧志云廳後有仰高亭

奉三高畫像秘閣校理雷元剛記

舊志云靖康中知縣石義問以舊畫勒石淳熙中知縣陳翥重勒自

爲跋明成化初尚存三年知縣韓槃以石作爐煨銀遂煨

紹定五年知縣李椿撤敕書樓而新之重建公堂扁

曰遺愛又移琴堂於公堂後

舊在堂之東北隅

爲知縣廡袁肅書扁椿自爲記又撤舊公

堂材建清簡堂於東偏又建誠齋於清簡堂之西建圖思齋於琴堂之東易祓書扁咸淳十六年知縣周甲重勒戒石銘於甬路獬豸亭甲自爲跋堂後有觀政亭

環翠亭並在縣圃中元初仍其制元貞元年知縣王柔重建甫成而明年縣陞為州遂為州治其時中為公堂堂中有州官題名碑延祐五年立教授顧儒實記至正七年知州那海重立判官張天英記堂西

為幕司又西為架閣庫庫前為獄庫其旁為祇候房祇候房舊志俱不載今按元役目有祇候故從史志補

堂下翼以兩廊東為吏戶禮承發牌房西為兵刑工書狀房前有宣詔亭頌春亭

史志以二亭為宋紹定五年建今按盧志及莫徐志列宋時縣治規制不及二亭故仍敘於此後為知州廨廨內有百花亭明洪

武二年仍改州為縣是年知縣孔克中重建公堂增廣公廨及兩廡官吏皆就內

居之是年以下本盧志莫志云按此則宋元以來止有正官衙一所餘皆散處於外又云今中和堂即正官衙以小河為界河北及西北偏皆斥民居所拓者

又云凡徙居民七十四家建文二年知縣蔣奎增建穿堂於公廳後直三堂後仍建中和堂五

正統元年縣丞柳臻重建譙樓三楹樓中有漏壺後廢莫志云宣德二年徐志云柳楹竝誤觀桂宗儒記可見修撰桂

宗儒記四年知縣賈忠修穿堂成化七年知縣王迪重建榜廊莫志作房今從徐志於縣門

左右凡二連共四十間十四年知縣馮衡重建本廨正德八年知縣蕭韶修公堂重建中

和堂按徐志正德初又建南獄禁俗呼南監在縣治西南久廢附識備考嘉靖十三年知縣張明道增置羈管亭二

吳江縣志

卷八 公署

十年知縣喻時改建儀門立知縣題名碑其時中為公堂扁曰牧愛五楹三軒馮衡扁堂東為鑾

駕庫一楹庫前為東廳三楹堂西為架閣庫二楹以貯卷冊庫前為西庫六楹以貯貢賦贓罰堂前有獬

豸亭樹戒石旁列兩廊東為吏戶禮糧承發舖長房西為兵刑工水利房堂後為穿

堂扁曰右客三楹東有造冊房六楹考滿造冊之所西有公厨三楹井竈皆具後呼茶房又後為中和堂易

扁曰觀我東有書房一楹正官退食之所後改為外庫西有讀書館三楹眾官子弟讀書之所後改為退食之所堂後

有河名中河河上有五橋中一橋之北為知縣廨丞簿廳在知縣廨左右詳丞簿廨條下公堂之西為

幕廳三楹三軒典史廨在廳後詳典史廨條下六房之後為周廬以居吏胥凡二十楹連各五楹公堂之南為

儀門五楹儀門外東為土地神祠西向徐志云舊在幕廳後名夏侯祠侯事無考互見祠廟類今按祠之移置儀門外時亦無考

祠後為禁獄俗呼東監西為羈管亭罪輕者禁於此又南為外門門上為譙樓三楹莫志云樓中有漏壺後亡

外門之外前設屏牆東有旌善亭三楹西有申明亭三楹里老聽訟之所中為明民亭三楹前臨河故

俗呼河亭後廢輔以榜廊東西各二十楹拱以雙表後皆廢此前明縣治規制之大畧也 國朝因

之順治二年焚於湖寇官儻民房聽事七年知縣唐增重建觀我堂并私廨又重

修儀門及獄十四年知縣雷珽建耘松亭於廨內珽自題又建吏廨於獬豸亭兩旁設架閣庫於觀我堂右康熙四年知縣劉定國重修譙樓餘以次修建十七年署縣通判林鼎復重建牧愛堂十八年知縣郭琇成之扁曰忠愛邑人董閻記四十五年知縣陳九睦移建耘松亭於東偏卽其地建清遠堂四十八年知縣張壽尚重建堂樓堂樓初建無考五十八年知縣葉前重修譙樓六十年建關帝廟於縣署之西雍正元年葉前卽觀我堂遺址建二堂知縣徐永祐扁曰得步乾隆某年知縣陳王言建澹志齋於清遠堂之東九年知縣丁元正重修私廨十二年知縣陳莫纒重建清遠堂自爲記

丞廳舊在縣治西南莫志云今南門西偏其始建亦無考宋紹興元年丞宋應重建列屋二十楹嘉定中丞趙晞賢修湖山堂在廳一名與永亭按盧志云湖濱有與永亭卽

則似與永亭爲湖山堂改稱而趙之所修亭下雜植松竹前列湖山號爲江湖奇觀史志云往時北城尚小丞廳地在城外枕江湖故云紹定二年丞許景迂修公廳建景袁堂於廳西名景袁者

吳江縣志

卷八 公署

嘉泰中越國公袁詔嘗丞於此故作堂以景之宋季丞廳圯廢元未有建置丞僦民舍以居明初乃建丞

廨於縣治內丞簿尉廨舊志竝不詳其始建之年與人今按盧志縣治條於洪武二年孔克中增廣下云後皆建屋官吏就內居處莫志云元以前止有正官衙以小河爲界河北及西北偏皆孔克中所拓則丞簿尉廨蓋皆洪武二年孔克中所建也然舊志無明文姑存俟考 在造册房後曰管

糧丞廨內有梅月軒永樂十九年縣丞李傑建謝常記後添設二丞各有廨竝在中河北知縣廨東一曰治農丞廨一曰清軍丞廨後管糧丞廨移建治農丞廨東

清軍丞廨移建知縣廨西 國朝順治初燬於湖寇丞僦民舍以居雍正間縣丞駱兆楓詳請改原任知縣張元振入官房建署凡二十三間在後四保乾隆五年

丞移駐盛澤鎮七年奉文改吳存禮書院爲署凡二十餘間支用藩庫正項銀四百二十兩有奇其舊丞署改爲主簿廨

主簿廳舊在縣治西莫志云今北寺巷口凡爲屋三十楹其始建亦無考宋乾道二年主簿

高文虎修舊志竝云三年今按范記云乾道丙戌八月主簿高君炳如新作治所落成則當爲二年舊志誤范成大記又建曾程

堂於廳西以旌前政曾懋程俱之賢李處全記舊志於建曾程堂下又載修回車館按史志回車館乃縣官秩滿後

所居以俟代者與主簿廳無與故列亭館篇 淳熙六年懋孫樞來爲簿復修之嘉定五年主簿謝杰重

立廳扁眞德秀書寶慶三年主簿龔應之重建外門紹定四年主簿趙勳夫重建

廳宇宋季圯廢元未有建置官僦民舍以居明初乃建簿廨於縣治內後添設一

員更爲廨竝在中河北知縣廨西按莫志治所篇縣丞衙三所二在知縣衙左一在造册房後主簿衙二所俱在知縣衙西而縣

治圖知縣衙東西各有一曰巡捕簿廨一曰管糧簿廨後管糧簿廨移建東夾道

之左門西向 國朝順治初亦燬於湖寇後未及重建主簿僦民舍以居乾隆五

年以縣丞廨歸併主簿自是主簿亦有廨

尉廳舊在縣治東九十步見盧志莫志云今看波橋北 其始建亦無考宋嘉泰中尉彭法稍葺

治之嘉定中尉黃翥重建堂宇紹定五年知縣王從龍盧志作龍從王無知縣字 增建屋三

楹於東偏舊有梅亭史志云蓋用梅福故事 在後圃中宋季圯廢元未有建置官僦民舍以

居明初建尉廨於縣治內幕廳西北後移建幕廳後 國朝順治初亦燬於湖寇

典史僦民舍以居雍正十年知縣趙軒臨捐俸買民房爲典史廨凡十五楹在縣

吳江縣志

卷八 公署

十九

治儀門外之西

以上正署

同里巡檢司署在本鎮宋元竝建明因之洪武二年巡檢張保兒修 國朝康熙

中巡檢劉衡珠重建

汾湖巡檢司在蘆墟鎮宋元竝建明因之洪武二年巡檢拜住修 國朝康熙中

巡檢劉度重建

驛丞署未建官僦江南市民房以居詳驛遞篇

盤鹽廳在平望東乙圩初建無考 國朝康熙中圯雍正五年浙督李衛飭縣重

建時衛兼管兩浙鹽政按盤鹽廳無專官雍正五年奉文令平望營千總汾湖司巡檢每日會同駐廳查驗各商過門引鹽并督巡船水手查緝私鹽

以上屬署

長橋巡檢司宋在八斥元因之明洪武二年巡檢拜住移置醋坊橋北之左嘉靖

十九年知縣喻時復移置於龐山村之南久革

吳江縣酒務宋時設在縣治西南久革

按莫志列酒務又列監務廳誤蓋酒務設於宋有監務一員而監務廳亦宋設則當

為一也故併之

蒙古字學在長橋東元元貞二年建至順二年邑人吳君寶修

內設生徒一十五名學田

頃 明初革 參史志

陰陽教授司在舊州市延祐元年建後革

醫學元時建在舊州市久廢

官醫提領所元時設在仙里橋西南明初革

吳江稅課務在縣治東元時設明初革

平望務在本鎮元時設明初革

同里務在本鎮元時設明初革

鹽倉批驗所在平望鎮安德橋東元時設隸兩浙都轉運鹽使司明初革

鐵局在縣治東相傳元時設今有鐵局巷

吳江縣志

卷八 公署

二十

捕盜司在舊州市元元貞二年建明初革

巡塘司在北門外元時設明初革

抽分竹木場在平望鎮興平橋北元至元中建明初革船場在江南儒學之東元

時有之明初革

惠民藥局在縣治西無礙寺前

郡志作右

元時設後廢明洪武元年知縣孔克中重建

嘉靖間廢為民居

安樂堂在舊州市九保凡疾病軍人於此安宿明弘治初已久廢

稅課局即元稅課務明洪武元年更名局自縣治東移置城隍廟東主稅券書兼

辦課鈔二年大使李從道奏移置仙里橋西

郡志莫志作南

嘉靖十七年知府王儀刊

定書冊併課鈔於秋糧內於是不稅鈔而稅券四十年革

參明會典

同里稅課局在本鎮即元同里稅課務明初更名局洪武五年大使王崇禮重建

二十三年火燬邑人陳六修建弘治五年知縣金洪奏革改為本鎮社學

巡撫行臺俗呼書院初在江南華嚴寺東宣德中巡撫侍郎周忱行部至吳江駐節於華嚴寺之東禪房景泰二年巡撫侍郎李秉始闢門臨河因割寺之東隅爲署知縣王懋本建扁曰旬宣成化十九年巡撫都御史王恕扁堂曰願治自爲記弘治十四年巡撫都御史彭禮移置北門外大有橋西知縣劉澤建移恕扁以榜其堂楊一清記萬曆間復改爲察院後廢爲營兵較射地參屈志

察院初在東門內仙里橋西北明洪武元年知州孔克中建景泰二年主簿雷銘增建外門表以二坊左曰澄清右曰肅政扁後堂曰冰清玉潔弘治五年知縣金洪以其褊隘移置濟農倉中姑蘇志云在縣北城隍廟後正德十三年知縣溫濡重建後廢其

仙里橋察院卽於弘治五年改爲府官館

分司在江南華嚴寺東卽舊巡撫行臺也弘治中改水利分司嘉靖四年知縣王紀重建復改兵備分司庭有銀杏幹大二十圍今已斃

府官館俗呼府官廳在城隍廟西成化中知縣某築見史志弘治五年改建在仙里

吳江縣志

卷八 公署

二十一

橋西北卽舊察院也嘉靖間廢爲私第

醫學明正統二年訓科吳宗文卽三皇廟廢址創建後移置城隍廟右徐志云郡志在縣治

西北舊府官館側弘治十八年知縣劉澤移置巡撫行臺西嘉靖間圯

省役廳俗呼夫廩在看波橋南明嘉靖十三年知縣張明道建後廢

太湖水利同知署在同里鎮 國朝雍正九年卽禮科給事中陳沂震入官房改

建乾隆元年同知移駐吳縣洞庭東山因廢

以上廢署其今屬震澤縣地者分入震澤志茲不列

倉

總收倉舊名外倉場在北門外三里橋西軫角圩周百畝有奇屈志云周一百五十畝明正

統十三年巡撫侍郎周忱移東方等四倉併建廳堂門垣皆備前有池以防火災織篋囤貯米成化十六年知縣馮衡建廩屋四十六連總三百八十八楹又建土地祠於公堂之左嘉靖三十四年倭夷入寇燬廩屋七連四十二年知縣吳一本

重建廩屋四十三連連十二楹堂寢祠宇門垣皆修葺徐師曾記 國朝因之雍正四年分縣以倉西半屬震澤其東半仍屬吳江

按雍正七年十一月從總漕張大有之請部頒每省糧道鐵斛各一俾得畫一遵守吳江縣遵照部頒糧道斛式造鐵斛一十三隻廳及每門每廩各設一胥役不能為弊民甚便之又按吳江縣雍正間漕船一百二十四隻白糧船十隻今漕船一百二十九隻白糧船五隻

常平倉在北門內軫角圩地今屬震澤縣 國朝康熙四十九年知縣張壽尚建廩屋四

間雍正五年知縣徐永祐支帑增建十間八年知縣陳兆翱支帑增建二十五間又捐建倉廳及門乾隆三年知縣陳王言支帑增建廩屋四間凡廩屋四十三間廳堂門垣皆備

社倉五一在總收倉內隙地 國朝乾隆六年邑人翁思深等捐建廩屋十七間籌房一間門垣皆備十二年知縣陳莫纘動支息米增建廩屋五間牆門三間一

吳江縣志

卷八 公署

二十二

在同里鎮稻蕪圩乾隆六年社長劉光祚袁薪傳捐建廩屋十一間籌房一間門垣皆備十二年知縣陳莫纘動支息米增建倉廳三間題曰惠永同川一在平望鎮六鎮地廩屋八間籌房一間門垣皆備乾隆六年里人陳時夏姚仲英捐建一在盛澤鎮大飽圩乾隆六年里人汪涵光殷宜鎮捐建廩屋十間籌房三間門垣皆備十二年知縣陳莫纘捐建前門一在蘆墟鎮非角圩乾隆六年社長郁大業顧南金捐建廩屋五間門垣皆備地基里人沈莊捐 十二年知縣陳莫纘動支息米增建廩屋六間例穀倉在西一保廩屋二十間 國朝乾隆五年知縣韓墉領帑建以上見存倉

際畱倉在舊州市元時設明革

常平倉在際畱倉內別立鵲門東向

預備四方倉

按四倉所在莫徐二志各異莫志云東倉在二十四都勾瀆村西倉在震澤鎮南倉在六都北倉在北門外徐志云東在三都西在十一

都南在二十三都北在二都北今按依莫志則東南西三倉俱屬震澤依徐志則西倉屬震澤東南北三倉俱在合轄之都未知屬江屬震竝錄備考 竝明

洪武二十二年知縣鮑以成建正統十三年巡撫侍郎周忱移併總收倉內因廢同里倉在本鎮明宣德十年巡撫侍郎周忱建徵收二十六等都秋糧廳堂門垣皆備中有來龍橋正統十二年移併總收倉因廢嘉靖間遺址尚存里人以爲義冢
以上廢倉其今屬震澤縣地者分入震澤志茲不列

養濟院俗呼孤老院舊在縣西北柵宋淳熙中建後復增廣明洪武十三年知縣饒毅改建於衍慶昭靈觀西成化八年知縣王迪修弘治元年知縣孫顯重建正德十一年縣丞靖希賢移置北門外廣運橋東南東原無圩 國朝因之分縣後半屬震澤其屬吳江者門北向前列公廡三楹東西各列宇一十九間爲孤貧棲息之所男婦共一百二十人月支銀米 乾隆十一年冬東屋一十九間火燬知縣陳莫纘請資重建

育嬰堂在東二保重慶橋東南初稱留嬰堂乾隆二年買民房改建後併集善菴屋凡三十二間七年改今名震澤縣棄嬰並育於此按留嬰堂紳士蘇弘遇費元衡吳然沈廷光等呈請兩縣

吳江縣志

卷八 公署

一二十三

詳建震澤徐起鳳等捐田二十四畝入租司月紳士各捐資以給經費實未嘗轉送蘇州育嬰堂會乾隆七年巡撫陳大受檄各縣並就本處設法收養棄嬰郡堂不得收受吳江縣遂改稱育嬰八年署吳江知縣張日謨清丈九里湖九里等圩草蕩一千一百畝有奇歸堂收租濟用缺則兩縣知縣設法資助

學校 祭器 樂舞器 生員貢生額 書籍 學田 按篇未義學與社學皆所謂校也

吳江縣學初在縣治東南莫史二志竝作西南徐志本盧志作東南今姑從之 又有文宣王廟在縣治西盧志

作西 其創始莫可考宋大中祥符五年詔郡邑修廟學知縣李恭尉聶復始作新

之轉運使陳堯佐記慶曆七年知縣李問尉王庭堅議改廟建學會詔止郡縣不

得新立學乃不果元祐中知縣程端始克立之建炎初燬於金兵紹興中知縣石

公轍以東門外開江營舊址更建邑人王份復獻地廣之卽今學是也時始建大

成殿舊志竝云嘉定八年重建大成殿而莫詳其建之始今按黃由記云殿之建距今已七十年是卽始於紹興中石公轍也故補之 乾道初知

縣趙公廣拓其地始建明倫堂按陳從古記云乾道之初乏宰再歲知縣趙公領事之始卽卜日鳩工則修學乃乾道三年事舊志

所云乾道初是也記中乙未字乃傳寫之誤不可以此疑之 立四齋曰興賢進德日新時敏按陳記不言立四齋莫史二志竝叙

於元貞二年徐志屬之趙公 通號舍爲三十楹又建琴書樓爲師生游息之所徐志

廣蓋本竇志也今姑從之

但於景泰六年叙琴書樓之廢莫志列琴書樓於明倫堂後而不詳其建置史志
列為趙公廣事未詳所本按明初黃淮琴書樓詩有湖上重樓結構新句張徽和
韻亦有芹泮書樓適鼎新句然其為
重建與創建亦莫能定姑從史志
自此殿庭堂宇齋舍靡不完整陳從古記
廣重修莫史諸志竝叙陳翥下
淳熙五年莫史二志竝作三年誤今從徐志詳長官表
知縣陳翥重修
按乾道在淳熙前故從徐志

嘉定八年知縣孫仁榮重建大成殿黃由記十年知縣呂祖憲復修整廟學淳祐

四年學長王南字仇建登龍橋於左按盧志云淳祐初有相地者謂學之左右水

龍橋於左四年南占後科鼎魁十年宋季悉毀於兵元至元三十年都元帥竇玉

校尉杜福重建正殿塑聖賢像三十一年縣尹王柔建講堂齋舍儒學提舉朱子

昌記元貞元年陞縣為州改名州學設教授主學事四齋各設訓導一員大德二

年教授謝起東增立兩廊繪從祀諸像四年知州李玘始建靈星門繚以周垣七

年州判王英重飾聖賢像延祐四年知州高仁修殿堂齋舍明年復增建儀門屏

墻教授顧儒寶記至治三年教授孔文栩莫志作相誤此從徐志詳長官表重修卽儀門增戟二

十有四至正十一年知州邵萬重修貢士陸居仁記十三年達魯花赤札牙進建

吳江縣志

卷八 學校

戟門置大成樂肅政廉訪使許從宣記明洪武二年仍名縣學定日新時習

設教諭訓導鑄置臥碑立射圃在學西南八年置觀德亭立射圃置觀德亭年竝本盧志補三十

年教諭汪茂實修仍飾聖賢諸像正統十三年巡撫周忱知府朱勝復徙左右民

居以展宮牆改建明倫堂於大成殿右此本史志按徐志景泰六年知縣賈亮建廟於堂左與史志互異未詳孰是堂

下為兩齋左日新右時習上下為號房琴書樓在其後土山枕其陰堂前為泮池

跨以石梁又前為儀門外則樹坊為儒學門署曰泮宮與靈星門竝而靈星門亦

更以石大成殿及兩廡咸撤其腐而新之聖賢諸像竝加繪飾由是左廟右學秩

然有序巍煥崇麗至此而規模益宏遠矣景泰六年巡按御史趙縉檄知縣王懋

本卽琴書樓廢址建後堂中貫以穿堂三楹又建學舍三十六楹此本莫志按知縣表王懋本任

吳江在賈亮前賈亮為景泰四年任其六年天順五年知縣章亮於倉庫後建教

諭及兩訓導廡舍此亦本莫志按知縣表章亮任吳江在天順二三年其四年成

化五年提學御史陳選廢梓潼祠改祀鄉賢又廢土地祠後以祀名宦鄉賢祠在大成門左

西向名宦祠與鄉賢祠相對 徐志云宋有知縣王益祥祠因以義起互見壇廟祠篇 八年知縣王迪復徙靈星門左右民

居以廣廟庭 徐志叙於改祀前今按弘治十年知縣郭郭修趙寬記正德十年巡

按御史唐鳳儀改建明倫堂增建學舍十六楹嘉靖三年知縣王紀修 舊志作二

用記云嘉靖二年王侯紀以進士來知吳江越明年有事於學則修學當在三年 周用記七年奉詔建敬一亭鑄置御製

敬一箴碑九年詔郡縣更聖賢稱號以主易像又令各建啓聖祠於是各司悉撤

諸賢像而以甃蒙聖容建啓聖祠於儀門外西南 易主建祠及亭徐志竝逸其年今悉本董志補之按明張寰嘉

定縣學建啓聖祠記云天子卽位之九年詔太學暨郡邑建啓聖祠又敬一箴碑乃嘉靖戊子奉旨立石戊子爲七年則董志所列年皆是 十六年知

縣林應麒建泮宮坊於學宮前三十二年知縣楊芷重修廟學更於敬一亭後築

時化射圃二亭啓聖祠後分鄉賢名宦二祠周大章記 移置二祠於啓聖祠後舊志俱不載今按莫志鄉賢

名宦二祠條下云在大成門左右而徐志列當時學制云啓聖祠後爲名宦鄉賢祠則芷之移置不宜略故本周記補之 萬曆二十七年知縣孫

大壯易廟左街東民地建文昌閣架石梁度之三十八年知縣馮任復修廟學四

十八年知縣曹欽程廢文昌閣泰昌元年署篆同知康元和卽時化亭址建尊經

吳江縣志

卷八 學校

一二十五

閣天啓三年知縣晏清重建文昌閣崇禎二年知縣熊開元大修廟學重建龍門

六年署篆同知伍維新移啓聖祠於廟陰展其地以廣名宦鄉賢祠十四年知縣

葉翼雲卽射圃亭址建觀德堂十五年又重建日新廡於啓聖祠右 國朝從明

制仍名縣學設教諭訓導各一員順治中知縣唐增吳就恒雷珽教諭洪天開相

繼修整九年恭建 御製臥碑於明倫堂康熙五年同知魯超推官龔在升知縣

劉定國修十六年教諭丁人傑訓導秦去非重修十八年邑人董閻修儒學門二

十三年知縣郭琇訓導秦去非重修廟學二十四年恭揭 御書萬世師表扁額

於先師廟四十二年知縣張元振教諭夏聲訓導沈珍重建尊經閣 諸生董心捐貲最多 四

十九年知縣張壽尚重修文昌閣五十三年建鄉賢祠 諸生陸玉淳募貲 五十六年知縣

石拱極修整文廟知縣葉王前繼成之五十七年竣功 邑人錢敬中費宗源等督修按今十哲及朱子像

康熙間諸生陸玉淳倡捐重塑但非奉文事附識備考 雍正二年知縣徐永祐奉 詔卽啓聖祠改建崇聖

祠邑人周允昊記四年知縣徐永祐又移名宦祠於大成門外之東鄉賢祠於大

成門外之西按二祠舊竝在泮宮西是年析置震澤縣以訓導專理震澤學吳江學惟存教

諭於是訓導廡遂分屬震澤教諭廡仍屬吳江其廟學諸祠則竝兩屬焉五年恭

揭御書生民未有扁額於先師廟六年知縣徐永祐奉詔建忠義孝弟祠舊即

鄉賢祠址其祠亦二邑竝屬按節孝祠即舊名宦祠址以劃在學宮外故不列教諭廖維新重建教諭廡沈彤記十年

邑紳士移建登龍橋在舊址東約十步十一年震澤知縣鄧圭教諭廖維新重修

文昌閣乾隆五年恭立世宗憲皇帝御製平定青海碑於尊經閣恭揭御題

與天地參扁額於先師廟知縣陳王言募修崇聖祠教諭廖維新震澤縣訓導童

賢印重修明倫堂尊經閣及龍門九年知縣丁元正震澤縣知縣陳和志重修大

成殿迄今規制整備廟之外為靈星門凡三座高二丈六尺前臨河河堦有石欄

新捐次大成門明初止三楹今五楹兩掖又各三間元時門兩行名宦祠在左鄉

賢祠在右按二祠明成化中本在此東西相向後移至儀門外西南及改建忠義

神厨及宰牲房各三間嘉靖間竝圯今鄉賢祠傍有耳中為大成殿翼以兩廡明

房四間為春秋二祭齋宿處俗呼東廳雍正四年建

吳江縣志

卷八 學校

東西各二十四間嘉靖間各後為崇聖祠按殿後舊有神庫三楹以貯祭器學倉

一十四間今東西各九間明倫堂學之外為門凡三楹四表與靈星門竝上題泮宮二字門外鎮以石獅河

東號舍屏牆舊已圯廢乾隆四年知縣陳王言次儀門又稱禮門舊三間今同儀門外東

震澤縣知縣劉士觀教諭廖維新募築儀門西為土地祠其西南為忠義孝弟祠祠後為震澤學訓

導廡按此即時習廡屈志謂移置儀門西南次龍門一中為明倫堂凡五楹堂中

有臥碑按舊又有書櫃藏各種書籍今書櫃久廢舊書籍堂下有泮池跨以石梁

旁列兩齋各三間上下俱號舍按明初號舍凡三十六楹嘉靖間二十四楹今東

三間竝久廢堂後為尊經閣按明成化中堂後有穿堂三間後堂舊址建琴書樓竝久

廢其尊經閣即其東北為教諭廡按教諭廡明初在倉庫後嘉靖間稍移至西偏

嘉靖間竝移於左既而時習廡移鄉賢祠後日新廡於崇禎間重建後亦廢

祭器

吳江文廟祭器舊志所載頗多莫志云古銅簋九十三古銅豆九十三古銅簠三十四古銅簠三十四古銅登五古銅劔十六古銅

爵十五古銅犧樽三古銅象罇四古銅花瓶二象窰花瓶二古銅大杏罇一第
錫爵一百二十瓷罇三十五燭臺四十生罇二盥洗三毛血盆八酌酒杓三第
謂爲千百年珍寶而不詳其製造之時與人故其在宋元間者竝無從考至前明
所補則見於今存祭器刻文嘉靖三十四年學官胡華 等補鑄犧尊三象尊二
後各存一萬曆十九年知縣黃時華鑄大鼎罇一 國朝雍正二年知縣徐永祐
鑄銅爵十二銅鼎罇四銅豆三十二現存竝未壞缺今計近所補造及明以前所
造存者銅爵一百三十八銅劔一十八竝有蓋 銅簋四十蓋闕 銅簋四十一蓋闕 銅
籩一百六十七底闕 銅豆一百五十三底闕 銅雲雷尊二竝有蓋 銅犧尊一銅象
尊一銅黃目尊十一略有大小 銅太尊一銅壺尊一銅勺四銅玷四十五銅血盤
一錫血盤二銅盥盤二銅鼎罇三十一最大一在正殿次大一中四次中五小二十 銅燭臺二凡一十
八種六百六十一枚

按舊志祭器之名頗有隨俗者如勺稱匙盥盤稱盥洗盆之類猶可也至黃目
尊而稱中花瓶太尊而稱素罐壺尊而稱大花瓶則杜撰不經已甚今悉考周

吳江縣志

卷八

學校

二十七

禮註疏及三禮圖改正之其形象與古制小異乃當時考核未盡而名稱固不
可易也

按明成化間制先師籩豆各十二四配各十嘉靖中從張湏議先師各十四配
各八又舊制先師及四配登各一四配簠簋各一嘉靖中惟先師登一四配云
登而簠簋各二今制竝仍嘉靖時而兩廡從祀時有增損又舊制每四位一壇
嘉靖時三位一壇今制每四位一案則籩豆簠簋尊彝增損亦多吳江祭器其
宋元所造與明嘉靖中補造者既漸次破壞被竊而我 朝雍正間所補造亦
未依會典陳設數當俟他日更造補足云

樂舞器

吳江文廟大成樂器舊志止載元至正十二年達魯花赤札牙進所製莫志云麾一并架琴

十并几瑟二并几排簫一編鐘編磬各十六龔簾樹羽竝全笙管塤篪搏拊各二祝敬各一 其存於今者惟銅鐘八至正二十

一年州儒學教授陳義等補鑄銅鐘舊志皆不載今於所存鐘刻文得之而當時

鑄數無考至舞器明以前蓋未有製者 國朝乾隆五年震澤縣知縣劉士觀奉文製樂舞器麾二應鼓一有架大鼓一鼗鼓二祝一搏拊二鐘八磬十二瑟二琴六笙八笛六埙二篴二簫六歌一有架篳篥二節二羽籥各三十六千二戚一

按文廟樂器元札牙進所製已廢明洪武二十六年頒大成樂器於天下府學令州縣學如式製造而有司奉行不力卒莫之舉我 朝康熙五十五年頒中和韶樂於直省文廟乾隆五年震澤知縣劉士觀重製樂舞器誠盛舉也惜其不及詳考器數與會典尚有未合若節與干戚乃我 朝太常舞器於文廟且無與及時損益是所望於留心典禮者又按吳江文廟樂舞生雍正十三年奉文與震澤學共額設九十九名時以佾舞器未備未及募補乾隆六年復奉文額設八十八名內佾舞生三十六名司樂者三十六名司禮者一十六名始募儒童補充云生員貢生額

明洪武初始詔民間選補生員二十名日給廩膳按此即廩膳生員之始又按洪武初師生廩食月米六斗後復

吳江縣志

卷八 學校

一二十八

令日米一升魚肉鹽醢之類並官給之十五年又令廩饌月米一石正統元年令師生日逐會饌有司僉與膳夫二名其後巡撫周忱知府况鍾設法每季令膳夫納錢於師生自辦供給 二十年復奉文增廣生員無額數宣德三年奉旨額定增皆以爲便遂遵行之

廣生員亦二十名按此即增廣生員之始正統二年令生員名缺擇本處官員軍民之家及

社學俊秀無過子弟選補十二年提調教官復奉文於生員常額外考選軍民子弟之俊秀者待補俟增廣名缺一體考送應試按此爲附學生員之始天順六年又奉文於

增廣內考選學問優等者幫補廩膳缺按此即補廩之始萬曆三年奉例額取一十五名

十一年題准各提學每歲考校一次三年之內凡取四十五名以上本明會典此明制之

大略也 國朝廩膳及增廣生員亦各二十名以外俱爲附學生員童生入學順

治初無定額順治二年取五十三名三年取五十名四年定例取四十名是年又取溢額四名五年取溢額一名六年取溢額

二名八年取溢額四名十一年取溢額七名十二年奉旨所取溢額生員俱汰除十五年定例取一十五名康熙十六年

奉旨減十一名止取四名十七年奉例捐納五十名十八年捐納一百三十八名其考取者歲科仍各四名二十年仍

取一十五名二十一年捐納一百六名二十八年廣額五名取二十名爲定例三十八年南巡廣額五名雍

正元年 恩 詔廣額七名 雍正二年奉 旨文童廣額五名取二十五名武童歲試取一十五

名爲定例四年析置震澤縣吳江學存廩膳生員十名 國初每名歲給廩銀一十二兩膳銀六兩後屢奉裁

減今每名歲給廩銀四兩膳銀二兩 增廣生員十名附學生員各以所居地分屬焉文童歲科試各

取一十二名武童歲試取七名歲貢生照補廩先後與震澤學輪貢一名拔貢生

與震澤學合拔一名竝爲定例至今遵行之 乾隆元年 恩詔文童入學廣額吳江與震澤合七名二年恩詔廣額同

書籍

吳江學書籍在明建文以前有無莫考永樂十三年始頒發四書五經及性理各大全迄正統間屢有頒發成化以後復續置五經性理大全文獻通考山堂考索諸書萬曆間邑人周道登送入十三經註疏二十一史呂純如又送入性理大全杜氏通典大學衍義補宋元明諸儒集及文苑英華諸書凡千四百餘冊顧自嘉靖以來漸次蠹蝕散佚迨鼎革靡有留遺矣 本朝頒發 上諭一部 前二十四本後十本

御製盛京賦一部 一本 日講四書解義三部 每部十本 御纂周易折衷三部 每部十本

吳江縣志

卷八 學校

二十九

二本 欽定書經傳說彙纂四部 每部十本 欽定詩經傳說彙纂四部 每部二十本

定春秋傳說彙纂四部 每部二十四本 御纂性理精義三部 每部五本 御纂朱子全書三

部 每部三十二本 駁呂留良四書講義一部 十六本 欽定學政全書一部 八本 欽定吏部

現行則例一部 二十本 明史一部 一百一十二本 凡六百二十本今竝全無闕

學田

吳江縣學舊無田宋知縣趙公廣嘗將舊籍漁兒月計錢二十萬爲廩餼之資後亦廢其置田養士自明中葉始嘉靖二十年巡按御史舒汀周亮知縣喻時議置義田有緒未就二十四年知縣朱舜民捐置吳坦名下田三頃自有記二十九年巡按御史鄧巍捐置計撰名下田四畝九分二釐上下蕩一畝五分八釐中上蕩二畝四分二釐萬曆三十六年知縣馮任沒入吳鳳田一百八十四畝四分七釐時教諭蔣弘憲復捐置田一十五畝供諸生月課費四十年巡撫徐民式分置推官錢名世位下田五十六畝四十六年知縣魏士前捐置生員吳鍾名等田一百

八畝七分二釐二毫上中蕩八分八釐七毫萬曆四十五年鈔關主事張大猷捐
置生員陳紹祉田三十九畝六分五釐五毫以上除蔣弘憲捐置田外通計田六
頃九十三畝七分六釐七毫上中蕩八分八釐七毫上下蕩一畝五分八釐中上
蕩二畝四分二釐 國朝康熙五年知縣劉定國丈清田畝稍有贏縮并定各項
田租額及折租銀額 朱舜民捐置吳坦名下田丈增一分九釐一毫內北操圩荒
田七畝仍照明霍維華所定額止徵銀九錢一分餘田及鄧
魏捐置計撰名下田皆每畝徵租七斗八升五合七勺無銀九錢一分餘田及鄧
一分 吳鳳名下田丈增八分四釐徵租及折租銀同前 錢名世名下田丈減
四分每畝徵租九斗無論貴賤每石折銀五錢一分八釐七毫 吳鍾名下田丈
減三分九釐三毫內東場圩荒田一十畝四分一釐仍照霍維華原額止徵銀二
兩五錢餘田每畝徵租七斗八升五合七勺每石折銀四錢一
分 陳紹祉名下田丈減三分四釐五毫每畝徵折色銀四錢 通計田六頃九十

三畝九分五釐八毫其蕩額無增減除徵租銀一十九兩二錢七分二釐外通計
租米五百八石六斗三升八合七勺折租銀二百三十三兩二錢九分四釐雍正
四年析置震澤縣吳江縣學存學田三百五十畝五釐九毫歲徵租米二百 十
石 斗 升 合 勺折租銀一百一十九兩八錢三分五釐九毫有奇其折

吳江縣志

卷八 學校

租銀之解交提用竝詳雜稅篇

義學

松陵書院在學宮後下甯元圩乾隆四年邑人汪涵光捐建凡十一間顏曰松陵
書塾教諭廖維新記十二年知縣陳莫纒捐修并設神厨奉先賢朱子神位顏曰

松陵書院

按雍正中義學設塔寺內知縣捐俸銀若干為束脩膏火之資九年邑人王蔭槐捐本邑田一十一畝九分六釐九毫助之其田歸儒學經管

乾隆九年議
詳歸縣經理

同里鎮義學在富觀橋北乾隆十二年知縣陳莫纒奉知府傅椿諭創建周三畝

為屋二十間顏曰同川書院自為記

按本鎮義學舊設僧寺是年知縣陳莫纒始捐俸置地勸諸紳士捐建共費銀五百四十

九兩七錢有奇其束脩膏火之資仍捐俸并支倪兆鵬所捐田租用田租詳下條

盛澤鎮義學二所一在充字圩乾隆八年知縣丁元正奉知府雅爾哈善諭勸捐

創建凡二十九間知府雅爾哈善記

按是年盛澤鎮汪有光等所捐并縣庫所移銀共一千二十兩四分內買民房改建義學

用銀五百一十八兩七錢有奇餘五百一兩二錢有奇存典生息買市
房取租每年共收銀八十兩九錢有奇為義學經費俱分防縣丞經理 一在鎮西

廟內雍正十三年震澤邑人倪兆鵬創設按是年兆鵬創設義學於同里鎮僧寺一分歲入租以給兩學經費縣詳憲題照學田例歸儒學經管乾隆元年奉旨義學義田仍聽本人經理不可交官收管以致吏胥侵蝕巡撫顧琮因飭縣牒學將原田歸兆鵬經理

黎里義學二所一在染字圩康熙五十四年里人陳時夏等創建周一畝五分爲屋二十餘間雍正十年修乾隆八年知縣丁元正顏曰黎川學舍爲之記一在作字圩雍正十年知縣趙軒臨奉布政使白鐘山諭卽五顯廟廢址改建凡六間按黎里紳士典商共捐銀三百餘兩知縣丁元正詳憲存典每年按月收息爲兩義學經費俱歸縣經理

按會典康熙五十二年始令各省州縣多立義學延請名師聚集孤寒生童勵志讀書歷雍正迄乾隆屢奉 飭行今邑內先後設義學凡六所其仰承德意而培植英才者可謂盛矣

廢學

學官廳在後河宋咸淳二年知縣錢牧建自爲記久廢州學在縣治後元至正十

吳江縣志

卷八 學校

三十一

九年知州趙仁以學宮遠在城外而生徒多家城中故別立州學使之有二齋曰日新曰時習蘇大年記後廢

社學卽州學舊址明成化五年提學御史陳選建中立講堂扁曰養蒙翼以兩齋繚以周垣設教讀二人以訓童子又各都悉建總一百二十七所後皆廢

徐師曾曰按今制每里各建社學一所設教讀一人今惟十二保設教讀十二人而社學僅存其一各都所建尋亦廢弛豈非奉行之過歟今按 本朝會典順治九年題准每鄉置社學一區康熙二十五年革雍正元年又覆准照順治九年例州縣於大鄉鉅堡各置社學一區然當時未聞有建立社學者

古塘義塾在一都蒲圩村明成化十八年邑人姚芳私建置田八十畝給費莫震記嘉靖間廢

同里社學在本鎮明弘治五年知縣金洪奏革稅課局改建史鑑記嘉靖間廢

卷之九

營建四